

TO THEE, O LORD, OUR HEARTS WE RAISE

Y sevyn agan kolonn dhiz,
gormeulow y'gan kanow,
ha dhiz dri agan sakrifis
 gans garmow y'gan ganow;
an gwelyow teg yn gwisk a owr,
 'ma'n brennow ow hwibana,
an nanzow leun a yz mar lowr
 may 'mons hogen ow kana.

Ha lemmyn, y'gan dy'goel Deys,
azwonnyn dha gerenza,
hedhyw y hworryn orth dha dreyz
 a'th larjes froeth an kynsa;
rag ty a vag enevow tuz,
 yth ezos prest ow kara;
ty, neb a ro dhyn bara 'n byz,
 a Nev ro dhyn dha vara.

Dhyn ni yw perthi begh an jydh,
 ha skwithus yw an ober;
mes gweyth yw deu an Howl pan sedh,
 ha powes dhyn yw gober:
boz degemmeryz saw gront dhyn,
 ha gans an eledh myzyz,
manalow owr a Grist dhe'n fin
 yn skiber splann dewizyz.

Benigys yw an tir a Dhuw,
 y welyow owr hag yzek,
y syns yw trigyz prest yn fyw,
 y avon wryz ow rezek:
'ma hedhyw agan lev a-is
 gans keuryow sans ow kezya;
bennigyz yw an gan Goeldheys
 pup-pryz a vydh ow pezya.

- English words by William Chatterton Dix, 1861.
- Translated from English into Cornish by Ken George, c.1990
- Tunes: Bishopsgarth or Golden Sheaves, both by Arthur Sullivan.